

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 41 0 K 100081 24 K  
Visoko, 28.02.2024. godine

## U IME FEDERACIJE BOSNE I HERCEGOVINE

Općinski sud u Visokom, po sudiji Avdiji Avdić uz sudjelovanje zapisničara Sejdić Džemile, u krivičnom predmetu protiv optuženog K.S.1 sin I. iz O., zbog krivičnog djela nasilje u porodici iz člana 222. stav 2. u vezi sa stavom 1. KZ FBiH, rješavajući po optužnici Kantonalnog tužilaštva-tužiteljstva Zeničko-dobojskog kantona broj T 04 0 KT 0055715 23 od 29.11.2023.godine, na pretresu za izricanje krivično pravne sankcije, održanom u prisustvu u Kantonalnog tužitelja Mustafić Mesuda i optuženog K.S.1, dana 28.02.2024.godine, donio je i javno objavio:

### P R E S U D U

**OPTUŽENI: K.S.1**, sin I. i majke A. rođene L., rođen ...e u mjestu K., općina S., nastanjen na adresi ..., općina O., pismen, sa završenom osnovnom školom, po zanimanju radnik, nezaposlen, oženjen, otac dvoje djece, Bošnjak, državljanin BiH, JMBG: ..., neosuđivan,

### K r i v j e

Što je:

Dana 12.10.2023. godine, oko 20,15 sati, na području općine O., u kući u kojoj stanuje u zajedničkom domaćinstvu sa suprugom K.S.2 koja se nalazi na adresi..., nakon što se doveo u alkoholisano stanje, drskim i bezobzirnim ponašanjem i nasiljem ugrozio mir i psihičko zdravlje svoje supruge S. na način da je istoj ispred kuće psovao majku i oca, bacao svoju obuću na nju, a potom ušao u kuću prijeteći riječima „kurvo znaš li da ti je ovo zadnja noć sa mnom“, nakon čega je rukama podigao LCD TV marke „Phillips“ i bacio od pod, pa kada je na lice mjesta po pozivu stigla patrola policije, prilikom lišenja slobode u prisustvu ovlaštenih službenih lica nastavio vrijeđati i psovati suprugu S. i sina E., svjestan da ovakvim drskim i bezobzirnim ponašanjem i nasiljem ugrožava mir, tjelesnu cjelovitost i psihičko zdravlje člana porodice s kojim živi u zajedničkom domaćinstvu, to i htio, a što je kod oštećene K.S.2 izazvalo određenu dozu straha i uznemirenosti,

*dakle*, drskim i bezobzirnim ponašanjem ugrozio mir, tjelesnu cjelovitost i psihičko zdravlje člana porodice s kojim živi u zajedničkom domaćinstvu,

*čime je* počinio krivično djelo Nasilje u porodici iz člana 222. stav 2. u vezi sa stavom 1. KZ F BiH.

Pa sud optuženom na osnovu istog zakonskog propisa: te na osnovu članova: 42., 49. i 62. KZ FBiH, i z r i č e

### USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 3(tri)mjeseca, a koja se neće izvršiti ako optuženi za vrijeme od 1(jedne)godine od dana pravosnažnosti presude, ne počinio novo krivično djelo.

Na osnovu člana 202. stav 4. ZKP FBiH, optuženi se oslobađa plaćanja troškova krivičnog postupka i isti padaju na teret sredstava suda.

### Objasnenje

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T 04 0 KT 0055715 23 od 29.11.2023.godine , optužilo je K.S.1a sina I. iz O., zbog krivičnog djela nasilje u porodici iz člana 222. stav 2 u vezi sa stavom 1. KZ FBiH ( Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH).

Optužnica je potvrđena od strane sudije za prethodno saslušanje ovog suda dana 04.12.2023.godine. Na ročištu o izjašnjenju o krivnji dana 23.01.2024.godine optuženi K.S.1 je izjavio da je kriv za krivično djelo nasilje u porodici iz člana 222. stav 2. u vezi sa stavom 1. KZ FBiH.

Na ročištu o razmatranju izjave o priznanju krivnje dana 28.02.2024.godine, sud se uvjerio da je optuženi K.S.1 izjavu o priznanju krivnje dao dobrovoljno, svjesno i sa razumijevanjem, kao i nakon upoznavanja o mogućim posljedicama ovog krivičnog postupka.

Sud je utvrdio da ima dovoljno dokaza o krivnji optuženog, nakon čega je prihvatio izjavu o priznanju krivnje optuženog i istovremeno odredio pretres za izricanje krivično pravne sankcije.

Sud je stekao uvjerenje da je optuženi K.S.1 počinio krivično djelo koje mu se stavlja na teret, a koje djelo je izvršeno na način, u vrijeme i u mjestu kako je to navedeno u dispozitivu ove presude nakon izvršenog uvida u predočene dokaze i to : Zapisnik o saslušanju svjedoka:oštećena K.S.2, kći R. iz O., ...,K.E., sin S. iz O., ..., G.Dž., sin O. iz O., policijski službenik PS O., M.R., sin E. iz O., policijski službenik PS O.,uvid i čitanje : Zapisnik o uviđaju PS O. broj: 08-02-12/1-03-2-3127/23 od 12.10.2023. godine; Rješenje Općinskog suda u Visokom-Odjeljenje u Olovu broj 41 1 Pr 011979 23 Zm od 13.10.2023. godine, Fotodokumentaciju PS O. broj: 08-02-12/1-03-2-3127-4/23 od 12.10.2023. godine sa datumom izrade od 27.10.2023. godine;Izvod iz kaznene evidencije za osumnjičenog K Naime, priznanjem optuženog koje je u potpunosti i u skladu sa predočenim dokazima, nesporno je dokazano da je isti počinio krivično djelo koja mu se stavlja na teret.

Sud zaključuje da je optuženi navedeno krivično djelo počinio sa direktnim umišljajem, jer je bio svjestan svog djela i htio njegovo izvršenje, a sud u toku postupka nije posumnjao da na strani optuženog postoje okolnosti koje bi dovele u pitanje uračunljivost optuženog, jer iz predočenih dokaza ne proizilazi sumnja da optuženi nije bio u mogućnosti da shvati značaj svojih djela i da upravlja svojim postupcima u vrijeme izvršenja djela.

Stoga je sud optuženog oglosio krivim za navedeno krivično djelo i izrekao mu krivično pravnu sankciju.

Prilikom izricanja krivično pravne sankcije sud je cijenio optuženom K.S.1u kao olakšavajuće okolnosti činjenicu da je priznao izvršenje krivičnog djela koje mu se stavlja na teret čime je u mnogome doprinio utvrđivanju činjeničnog stanja i skraćenju krivičnog postupka, iskreno kajanje, činjenicu da su odnosi u familiji u redu kao i činjenicu da nije osuđivan.

Cijeneći utvrđene okolnosti na strani optuženog, sud je optuženom K.S.1 u za navedeno krivično djelo utvrdio kaznu zatvora u trajanju od 3(tri) mjeseca, u uvjerenju da će se istom, ostvariti svrha kažnjavanja predviđena u članu 42. KZ FBiH, te postići kako opća, tako i specijalna prevencija.

Na osnovu člana 202. stav 4. ZKP FBiH, optuženi se oslobađa plaćanja troškova krivičnog postupka i isti padaju na teret sredstava suda.

Sudija  
Avdija Avdić

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude, u tri primjerka.